

jīn gāng bo ruò bō luo mì jīng  
金 剛 般 若 波 羅 蜜 經

nán mo běn shī shì jiā mo ní fó  
南 無 本 師 釋 迦 牟 尼 佛 (三稱 Repeat 3 times)

kāi jīng jì  
開 經 偈

wú shàng shèn shēn wēi miào fǎ  
無 上 甚 深 微 妙 法

bǎi qiān wàn jié nàn zāo yù  
百 千 萬 劫 難 遭 遇

wǒ jīn jiàn wén de shòu chí  
我 今 見 聞 得 受 持

yuàn jiě rú lái zhēn shí yì  
願 解 如 來 真 實 義

jīn gāng bo ruò bō luo mì jīng  
金 剛 般 若 波 羅 蜜 經

fǎ huì yīn yóu fēn dì yī  
法 會 因 由 分 第 一。

rú shì wǒ wén yì shí fó zài shè wèi guó zhǐ shù jì  
如 是 我 聞。一 時 佛 在 舍 衛 國。祇 樹 給

gū dú yuán yǔ dà bǐ qiū zhòng qiān èr bǎi wǔ shí rén  
孤 獨 園。與 大 比 丘 衆。千 二 百 五 十 人

jù ěr shí shì zūn shí shí zhe yī chí bō rù shè wèi  
俱。爾時世尊。食時著衣持鉢。入舍衛  
dà chéng qǐ shí yú qí chéng zhōng cì dì qǐ yǐ  
大城。乞食。於其城中。次第乞已。  
huan zhì běn chǔ fàn shí qì shōu yī bō xǐ zú yǐ  
還至本處。飯食訖。收衣鉢。洗足已。  
fū zuò ér zuò  
敷座而坐。

shàn xiàn qǐ qǐng fēn dì èr  
善現啓請分第二。

shí zhǎng lǎo xū pú tí zài dà zhòng zhōng jí cóng  
時。長老須菩提。在大眾中。即從  
zuò qǐ piān tǎn yòu jiān yòu xī zhe dì hé zhǎng gōng  
座起。偏袒右肩。右膝著地。合掌恭  
jìng ér bái fó yán xī yǒu shì zūn rú lái shàn hù  
敬。而白佛言。希有世尊。如來善護  
niàn zhū pú sà shàn fù zhǔ zhū pú sà shì zūn shàn  
念諸菩薩。善付囑諸菩薩。世尊。善  
nán zǐ shàn nǚ rén fā ā nòu duō luó sān miǎo sān pú  
男子。善女人。發阿耨多羅三藐三菩  
tí xīn yún hé yìng zhù yún hé xiáng fú qí xīn fó  
提心。云何應住。云何降伏其心。佛  
yán shàn zāi shàn zāi xū pú tí rú rǔ suǒ shuō rú  
言。善哉善哉。須菩提。如汝所說。如  
lái shàn hù niàn zhū pú sà shàn fù zhǔ zhū pú sà rǔ  
來善護念諸菩薩。善付囑諸菩薩。汝

jīn dì tīng dāng wéi rǔ shuō shàn nán zǐ shàn nǚ rén  
今諦聽。當為汝說。善男子善女人。  
fā ā nòu duō luó sān miǎo sān pú tí xīn yīng rú shì  
發阿耨多羅三藐三菩提心。應如是  
zhù rú shì xiáng fú qí xīn wéi rán shì zūn yuàn yào  
住。如是降伏其心。唯然世尊。願樂  
yù wén  
欲聞。

dà chéng zhèng zōng fēn dì sān  
大乘正宗分第三。

fó gào xū pú tí zhū pú sà mó hē sà yīng rú shì  
佛告。須菩提。諸菩薩摩訶薩應如是  
xiáng fú qí xīn suǒ yǒu yí qiè zhòng shēng zhī lèi ruò  
降伏其心。所有一切衆生之類。若  
luǎn shēng ruò tāi shēng ruò shī shēng ruò huà shēng  
卵生。若胎生。若濕生。若化生。  
ruò yǒu sè ruò wú sè ruò yǒu xiǎng ruò wú xiǎng  
若有色。若無色。若有想。若無想。  
ruò fēi yǒu xiǎng fēi wú xiǎng wǒ jiē lìng rù wú yú  
若非有想。非無想。我皆令入無餘  
niè pán ér miè dù zhī rú shì miè dù wú liàng wú shù wú  
涅槃而滅度之。如是滅度無量無數無  
biān zhòng shēng shí wú zhòng shēng dé miè dù zhě hé  
邊衆生。實無衆生得滅度者。何  
yǐ gù xū pú tí ruò pú sà yǒu wǒ xiāng rén  
以故。須菩提。若菩薩有我相。人

xiàng zhòng shēng xiāng shòu zhě xiāng jí fēi pú sà  
相。衆生相。壽者相。即非菩薩。

miào háng wú zhù fēn dì sì  
妙行無住分第四。

fù cì xū pú tí pú sà yú fǎ yīng wú suǒ zhù  
復次須菩提。菩薩於法。應無所住。

xíng yú bù shī suǒ wèi bú zhù sè bù shī bú zhù shēng  
行於布施。所謂不住色布施。不住聲

xiāng wèi chù fǎ bù shī xū pú tí pú sà yīng rú shì  
香味觸法布施。須菩提。菩薩應如是

bù shī bú zhù yú xiāng hé yǐ gù ruò pú sà bú zhù  
布施。不住於相。何以故若菩薩不住

xiāng bù shī qí fú dé bù kě sī liang xū pú tí  
相布施其福德。不可思量。須菩提。

yú yì yún hé dōng fāng xū kōng kě sī liàng fōu fōu  
於意云何。東方虛空。可思量不。不

yě shì zūn xū pú tí nán xī běi fāng sì wéi shàng  
也。世尊。須菩提。南西北方。四維上

xià xū kōng kě sī liang fōu fōu yě shì zūn xū pú  
下虛空。可思量不。不也。世尊。須菩

tí pú sà wú zhù xiāng bù shī fú dé yì fù rú shì  
提。菩薩無住相布施。福德亦復如是

bù kě sī liang xū pú tí pú sà dàn yīng rú suǒ jiào  
不可思量。須菩提。菩薩但應如所教

zhù  
住。

rú lǐ shí jiàn fēn dì wǔ  
如理實見分第五。

xū pú tí yū yì yún hé kě yǐ shēn xiāng jiàn rú lái  
須菩提。於意云何。可以身相見如來  
fou fou yě shì zūn bù kě yǐ shēn xiāng dé jiàn rú  
不。不也。世尊。不可以身相得見如  
lái hé yǐ gù rú lái suǒ shuō shēn xiāng jí fēi shēn  
來。何以故。如來所說身相。即非身  
xiàng fó gào xū pú tí fán suǒ yǒu xiāng jiē shì  
相。佛告。須菩提。凡所有相。皆是  
xū wàng ruò jiàn zhū xiāng fēi xiāng jí jiàn rú lái  
虛妄。若見諸相。非相。即見如來。

zhèng xìn xī yǒu fēn dì liù  
正信希有分第六

xū pú tí bái fó yán shì zūn pō yǒu zhòng shēng  
須菩提。白佛言。世尊。頗有衆生。  
dé wén rú shì yán shuō zhāng jù shēng shí xìn fou fó  
得聞如是言說章句。生實信不。佛  
gào xū pú tí mò zuò shì shuō rú lái miè hòu hòu wǔ  
告須菩提。莫作是說。如來滅後。後五  
bǎi suì yǒu chí jiè xiū fú zhě yú cǐ zhāng jù néng  
百歲。有持戒修福者。於此章句。能  
shēng xìn xīn yǐ cǐ wéi shí dāng zhī shì rén bù yū  
生信心。以此為實。當知是人。不於  
yī fó èr fó sān sì wǔ fó ér zhòng shàn gēn yǐ  
一佛二佛。三四五佛。而種善根。已

yū wú liàng qiān wàn fó suǒ zhòng zhū shàn gēn wén shì  
於 無 量 千 萬 佛 所 種 諸 善 根。聞 是

zhāng jù nǎi zhì yí niàn shēn jìng xìn zhě xū pú tí  
章 句 乃 至 一 念 生 淨 信 者。須 菩 提。

rú lái xī zhī xī jiàn shì zhū zhòng shēng dé rú shì  
如 來 悉 知 悉 見。是 諸 衆 生。得 如 是

wú liàng fú dé hé yǐ gù shì zhū zhòng shēng wú fù  
無 量 福 德。何 以 故。是 諸 衆 生。無 復

wǒ xiāng rén xiāng zhòng shēng xiāng shòu zhě xiāng  
我 相。人 相。衆 生 相。壽 者 相。

wú fǎ xiāng yì wú fēi fǎ xiāng hé yǐ gù shì zhū  
無 法 相。亦 無 非 法 相。何 以 故。是 諸

zhòng shēng ruò xīn qǔ xiāng jí wéi zhe wǒ rén zhòng shēng  
衆 生 若 心 取 相。即 為 著 我 人 衆 生

shòu zhě ruò qǔ fǎ xiāng jí zhe wǒ rén zhòng shēng shòu  
壽 者。若 取 法 相。即 著 我 人 衆 生 壽

zhě hé yǐ gù ruò qǔ fēi fǎ xiāng jí zhe wǒ rén  
者。何 以 故。若 取 非 法 相。即 著 我 人

zhòng shēng shòu zhě shì gù bù yīng qǔ fǎ bù yīng qǔ  
衆 生 壽 者。是 故 不 應 取 法。不 應 取

fēi fǎ yǐ shì yì gù rú lái cháng shuō rǔ děng bǐ  
非 法。以 是 義 故。如 來 常 說。汝 等 比

qiū zhī wǒ shuō fǎ rú fá yù zhě fǎ shàng yīng  
丘。知 我 說 法。如 筏 喻 者。法 尚 應

shě hé kuàng fēi fǎ  
捨。何 況 非 法。

wú dé wú shuō fēn dì qī  
無得無說分第七

xū pú tí yū yì yún hé rú lái de ā nòu duō luó  
須菩提。於意云何。如來得阿耨多羅  
sān miǎo sān pú tí yē rú lái yǒu suǒ shuō fǎ yē xū  
三藐三菩提耶。如來有所說法耶。須  
pú tí yán rú wǒ jiě fó suǒ shuō yì wú yǒu dìng  
菩提言。如我解佛所說義。無有定  
fǎ míng ā nòu duō luó sān miǎo sān pú tí yì wú yǒu  
法。名阿耨多羅三藐三菩提。亦無有  
dìng fǎ rú lái kě shuō hé yǐ gù rú lái suǒ shuō  
定法。如來可說。何以故。如來所說  
fǎ jiē bù kě qǔ bù kě shuō fēi fǎ fēi fēi fǎ  
法。皆不可取。不可說。非法非非法。  
suǒ yǐ zhě hé yí qiè xián shèng jiē yǐ wú wéi fǎ  
所以者何。一切賢聖。皆以無為法。  
ér yǒu chā bié  
而有差別。

yī fǎ chū shēng fēn dì bā  
依法出生分第八

xū pú tí yū yì yún hé ruò rén mǎn sān qiān dà qiān  
須菩提。於意云何。若人滿三千大千  
shì jiè qī bǎo yǐ yòng bù shī shì rén suǒ dé fú  
世界七寶。以用布施。是人所得福  
dé níng wéi duō fōu xū pú tí yán shèn duō shì zūn  
德。寧為多不。須菩提言。甚多世尊。

hé yǐ gù shì fú dé jí fēi fú dé xìng shì gù rú  
何以故。是福德。即非福德性。是故如  
lái shuō fú dé duō ruò fù yǒu rén yū cǐ jīng zhōng  
來說福德多。若復有人。於此經中。  
shòu chí nǎi zhì sì jù jì děng wéi tā rén shuō qí fú  
受持乃至四句偈等。為他人說。其福  
shèng bǐ hé yǐ gù xū pú tí yí qiè zhū fó jí  
勝彼。何以故。須菩提。一切諸佛。及  
zhū fó ā nòu duō luó sān miǎo sān pú tí fǎ jiē cóng cǐ  
諸佛阿耨多羅三藐三菩提法。皆從此  
jīng chū xū pú tí suǒ wèi fó fǎ zhě jí fēi fó  
經出。須菩提。所謂佛法者。即非佛  
fǎ  
法。

yì xiāng wú xiāng fēn dì jiǔ  
一 相 無 相 分 第 九

xū pú tí yū yì yún hé xū tuó huán néng zuò shì  
須菩提。於意云何。須陀洹能作是  
niàn wǒ dé xū tuó huán guǒ fǒu xū pú tí yán fǒu  
念。我得須陀洹果不。須菩提言。不  
yě shì zūn hé yǐ gù xū tuó huán míng wéi rù liú  
也世尊。何以故。須陀洹。名為入流。  
ér wú suǒ rù bù rù sè shēng xiāng wèi chù fǎ shì  
而無所入。不入色聲香味觸法。是  
míng xū tuó huán xū pú tí yū yì yún hé sī tuó  
名須陀洹。須菩提。於意云何。斯陀

hán néng zuò shì niàn wǒ dé sī tuó hán guǒ fou xū pú  
含 能 做 是 念。我 得 斯 陀 含 果 不。須 菩

tí yán fou yě shì zūn hé yǐ gù sī tuó hán míng  
提 言。不 也 世 尊。何 以 故。斯 陀 含。名

yī wǎng lái ér shí wú wǎng lái shì míng sī tuó hán  
一 往 來。而 實 無 往 來。是 名 斯 陀 含。

xū pú tí yū yì yún hé ā nà hán néng zuò shì  
須 菩 提。於 意 云 何。阿 那 含 能 作 是

niàn wǒ dé ā nà hán guǒ fou xū pú tí yán fou yě  
念。我 得 阿 那 含 果 不。須 菩 提 言。不 也

shì zūn hé yǐ gù ā nà hán míng wéi bù lái ér shí  
世 尊。何 以 故。阿 那 含 名 為 不 來。而 實

wú bù lái shì gù míng ā nà hán xū pú tí yū yì  
無 不 來。是 故 名 阿 那 含。須 菩 提。於 意

yún hé ā luó hàn néng zuò shì niàn wǒ dé ā luó hàn  
云 何。阿 羅 漢 能 作 是 念。我 得 阿 羅 漢

dào fou xū pú tí yán fou yě shì zūn hé yǐ gù  
道 不。須 菩 提 言 不 也。世 尊。何 以 故。

shí wú yǒu fǎ míng ā luó hàn shì zūn ruò ā luó hàn  
實 無 有 法 名 阿 羅 漢。世 尊。若 阿 羅 漢

zuò shì niàn wǒ dé ā luó hàn dào jí wéi zhe wǒ rén  
作 是 念。我 得 阿 羅 漢 道。即 為 著 我 人

zhòng shēng shòu zhě shì zūn fó shuō wǒ dé wú zhēng sān  
衆 生 壽 者。世 尊。佛 說 我 得 無 諍 三

wèi rén zhōng zuì wéi dì yī shì dì yī lí yù ā luó  
昧。人 中 最 為 第 一。是 第 一 離 欲 阿 羅

hàn shì zūn wǒ bú zuò shì niàn wǒ shì lí yù ā luó  
漢。世尊。我不作是念。我是離欲阿羅  
hàn shì zūn wǒ ruò zuò shì niàn wǒ dé ā luó hàn  
漢。世尊。我若作是念。我得阿羅漢  
dào shì zūn jí bù shuō xū pú tí shì yao ā lán  
道。世尊。即不說須菩提。是樂阿蘭  
nà háng zhě yǐ xū pú tí shí wú suǒ xíng ér míng  
那行者。以須菩提。實無所行。而名  
xū pú tí shì yao ā lán nà háng  
須菩提。是樂阿蘭那行。

zhuāng yán jìng tǔ fēn dì shí  
莊嚴淨土分第十

fó gào xū pú tí yū yì yún hé rú lái xī zài rán  
佛告。須菩提。於意云何。如來昔在然  
dēng fó suǒ yū fǎ yǒu suǒ dé fou fou yě shì zūn  
燈佛所。於法有所得不。不也。世尊。  
rú lái zài rán dēng fó suǒ yū fǎ shí wú suǒ dé xū  
如來在然燈佛所。於法實無所得。須  
pú tí yū yì yún hé pú sà zhuāng yán fó tǔ fou  
菩提。於意云何。菩薩莊嚴佛土不。  
fou yě shì zūn hé yǐ gù zhuāng yán fó tǔ zhě jí  
不也。世尊。何以故。莊嚴佛土者。即  
fēi zhuāng yán shì míng zhuāng yán shì gù xū pú tí  
非莊嚴。是名莊嚴。是故須菩提。  
zhū pú sà mó hē sà yìng rú shì shēng qīng jìng xīn  
諸菩薩摩訶薩。應如是生清淨心。

bù yīng zhù sè shēng xīn   bù yīng zhù shēng xiāng wèi chù  
不 應 住 色 生 心。不 應 住 聲 香 味 觸  
fǎ shēng xīn   yìng wú suǒ zhù   ér shēng qí xīn   xū pú  
法 生 心。應 無 所 住。而 生 其 心。須 菩  
tí   pì rú yǒu rén   shēn rú xū mí shān wáng   yú yì  
提。譬 如 有 人。身 如 須 彌 山 王。於 意  
yún hé   shì shēn wéi dà fōu   xū pú tí yán shèn dà  
云 何。是 身 為 大 不。須 菩 提 言 甚 大。  
shì zūn   hé yǐ gù   fó shuō fēi shēn   shì míng dà  
世 尊。何 以 故。佛 說 非 身。是 名 大  
shēn  
身。

wú wéi fú shèng fēn dì shí yī  
無 為 福 勝 分 第 十 一

xū pú tí   rú héng hé zhōng suǒ yǒu shā shù   rú shì shā  
須 菩 提。如 恒 河 中 所 有 沙 數。如 是 沙  
děng héng hé   yú yì yún hé   shì zhū héng hé shā   níng  
等 恒 河。於 意 云 何。是 諸 恒 河 沙。寧  
wéi duō fōu   xū pú tí yán shèn duō   shì zūn   dàn zhū  
為 多 不。須 菩 提 言 甚 多。世 尊。但 諸  
héng hé   shàng duō wú shù   hé kuàng qí shā   xū pú  
恒 河。尚 多 無 數。何 況 其 沙。須 菩  
tí   wǒ jīn shí yán gào rǔ   ruò yǒu shàn nán zǐ   shàn  
提。我 今 實 言 告 汝。若 有 善 男 子。善  
nǚ rén   yǐ qī bǎo mǎn ěr suǒ héng hé shā shù   sān qiān  
女 人。以 七 寶 滿 爾 所 恒 河 沙 數。三 千

dà qiān shì jiè yǐ yòng bù shī dé fú duō fōu xū  
大千世界。以用布施。得福多不。須  
pú tí yán shèn duō shì zūn fó gào xū pú tí ruò  
菩提言甚多。世尊。佛告須菩提。若  
shàn nán zǐ shàn nǚ rén yú cǐ jīng zhōng nǎi zhì shòu  
善男子。善女人。於此經中。乃至受  
chí sì jù jì děng wèi tā rén shuō ér cǐ fú dé shèng  
持四句偈等。為他人說而此福德。勝  
qián fú dé  
前福德。

zūn zhòng zhèng jiào fēn dì shí èr  
尊重正教分第十二

fù cì xū pú tí suí shuō shì jīng nǎi zhì sì jù jì  
復次須菩提。隨說是經。乃至四句偈  
děng dāng zhī cǐ chù yí qiè shì jiān tiān rén ā xiū  
等當知此處。一切世間。天人阿修  
luō jiē yìng gòng yǎng rú fó tǎ miào hé kuàng yǒu  
羅。皆應供養。如佛塔廟。何況有  
rén jìn néng shòu chí dú sòng xū pú tí dāng zhī shì  
人。盡能受持讀誦。須菩提。當知是  
rén chéng jiù zuì shàng dì yī xī yǒu zhī fǎ ruò shì  
人。成就最上第一希有之法。若是  
jīng diǎn suǒ zài zhī chǔ jí wéi yǒu fó ruò zūn zhòng dì  
經典所在之處。即為有佛。若尊重弟  
zǐ  
子。

rú fǎ shòu chí fēn dì shí sān  
如法受持分第十三

ěr shí xū pú tí bái fó yán shì zūn dang hé míng  
爾時。須菩提。白佛言世尊。當何名

cǐ jīng wǒ děng yún hé fèng chí fó gào xū pú tí shì  
此經。我等云何奉持佛告須菩提是

jīng míng wéi jīn gāng bo ruò bō luo mì yǐ shì míng  
經名為金剛般若波羅蜜。以是名

zì rǔ dang fèng chí suǒ yǐ zhě hé xū pú tí fó  
字。汝當奉持。所以者何。須菩提。佛

shuō bo ruò bō luo mì jí fēi bo ruò bō luo mì shì míng  
說般若波羅蜜即非般若波羅蜜。是名

bo ruò bō luo mì xū pú tí yū yì yún hé rú lái  
般若波羅蜜。須菩提。於意云何。如來

yǒu suǒ shuō fǎ fōu xū pú tí bái fó yán shì zūn  
有所說法不。須菩提。白佛言。世尊。

rú lái wú suǒ shuō xū pú tí yū yì yún hé sān  
如來無所說。須菩提。於意云何。三

qiān dà qiān shì jiè suǒ yǒu wēi chén shì wèi duō fōu  
千大千世界。所有微塵。是為多不。

xū pú tí yán shèn duō shì zūn xū pú tí zhū wēi  
須菩提言甚多世尊。須菩提。諸微

chén rú lái shuō fēi wēi chén shì míng wēi chén rú lái  
塵。如來說非微塵。是名微塵。如來

shuō shì jiè fēi shì jiè shì míng shì jiè xū pú tí  
說世界。非世界。是名世界。須菩提

yū yì yún hé kě yǐ sān shí èr xiāng jiàn rú lái fou  
於 意 云 何。可 以 三 十 二 相 見 如 來 不。  
fou yě shì zūn bù kě yǐ sān shí èr xiāng dé jiàn rú  
不 也。世 尊。不 可 以 三 十 二 相 得 見 如  
lái hé yǐ gù rú lái shuō sān shí èr xiāng jí shì  
來。何 以 故。如 來 說 三 十 二 相。即 是  
fēi xiāng shì míng sān shí èr xiāng xū pú tí ruò yǒu  
非 相。是 名 三 十 二 相。須 菩 提。若 有  
shàn nán zǐ shàn nǚ rén yǐ héng hé shā děng shēn mìng  
善 男 子 善 女 人。以 恒 河 沙 等。身 命  
bù shī ruò fù yǒu rén yú cǐ jīng zhōng nǎi zhì shòu  
布 施。若 復 有 人。於 此 經 中。乃 至 受  
chí sì jù jì děng wéi tā rén shuō qí fú shèn duō  
持 四 句 偈 等。為 他 人 說。其 福 甚 多。

lí xiāng jì miè fēn dì shí sì  
離 相 寂 滅 分 第 十 四

ěr shí xū pú tí wén shuō shì jīng shēn jiě yì qù tì  
爾 時 須 菩 提。聞 說 是 經。深 解 義 趣 涕  
lèi bēi qì ér bái fó yán xī yǒu shì zūn fó shuō rú  
淚 悲 泣。而 白 佛 言 希 有 世 尊。佛 說 如  
shì shèn shēn jīng diǎn wǒ cóng xī lái suǒ dé huì yǎn  
是 甚 深 經 典。我 從 昔 來。所 得 慧 眼。  
wèi céng dé wén rú shì zhī jīng shì zūn ruò fù yǒu rén  
未 曾 得 聞 如 是 之 經。世 尊。若 復 有 人  
dé wén shì jīng xìn xīn qīng jìng jí shēng shí xiāng  
得 聞 是 經。信 心 清 淨。即 生 實 相。

dang zhī shì rén chéng jiù dì yī xī yǒu gōng dé shì  
當 知 是 人。 成 就 第 一 希 有 功 德。 世  
zūn shì shí xiāng zhě jí shì fēi xiāng shì gù rú  
尊。 是 實 相 者。 即 是 非 相。 是 故 如  
lái shuō míng shí xiāng shì zūn wǒ jīn dé wén rú shì  
來。 說 名 實 相。 世 尊。 我 今 得 聞 如 是  
jīng diǎn xìn jiě shòu chí bù zú wéi nán ruò dang lái  
經 典。 信 解 受 持。 不 足 為 難。 若 當 來  
shì hòu wǔ bǎi suì qí yǒu zhòng shēng dé wén shì  
世。 後 五 百 歲。 其 有 眾 生。 得 聞 是  
jīng xìn jiě shòu chí shì rén jí wéi dì yī xī yǒu  
經。 信 解 受 持。 是 人 即 為 第 一 希 有。  
hé yǐ gù cǐ rén wú wǒ xiāng wú rén xiāng wú zhòng  
何 以 故。 此 人 無 我 相。 無 人 相 無 眾  
shēng xiàng wú shòu zhě xiāng suǒ yǐ zhě hé wǒ xiāng  
生 相 無 壽 者 相。 所 以 者 何。 我 相。  
jí shì fēi xiāng rén xiàng zhòng shēng xiàng shòu zhě  
即 是 非 相。 人 相。 眾 生 相。 壽 者  
xiāng jí shì fēi xiāng hé yǐ gù lí yí qiè zhū  
相。 即 是 非 相。 何 以 故。 離 一 切 諸  
xiāng jí míng zhū fó fó gào xū pú tí rú shì rú  
相。 即 名 諸 佛。 佛 告 須 菩 提。 如 是 如  
shì ruò fù yǒu rén dé wén shì jīng bù jīng bù bù  
是。 若 復 有 人。 得 聞 是 經。 不 驚 不 怖  
bú wèi dang zhī shì rén shèn wéi xī yǒu hé yǐ gù  
不 畏。 當 知 是 人。 甚 為 希 有。 何 以 故。

xū pú tí rú lái shuō dì yī bō luó mì jí fēi dì  
須菩提。如來說第一波羅密。即非第

yī bō luó mì shì míng dì yī bō luó mì xū pú  
一波羅密。是名第一波羅密。須菩

tí rěn rǔ bō luó mì rú lái shuō fēi rěn rǔ bō luó  
提。忍辱波羅密。如來說非忍辱波羅

mì shì míng rěn rǔ bō luó mì hé yǐ gù xū pú  
密。是名忍辱波羅密。何以故。須菩

tí rú wǒ xī wéi gē lì wáng gē jié shēn tǐ wǒ yū  
提。如我昔為歌利王。割截身體我於

ěr shí wú wǒ xiāng wú rén xiāng wú zhòng shēng  
爾時。無我相。無人相。無眾生

xiàng wú shòu zhě xiāng hé yǐ gù wǒ yū wǎng xī jié  
相。無壽者相。何以故。我於往昔節

jié zhī jiě shí ruò yǒu wǒ xiāng rén xiàng zhòng shēng  
節支解時。若有我相。人相。眾生

xiàng shòu zhě xiāng yìng shēng chēn hèn xū pú tí  
相。壽者相。應生嗔恨。須菩提。

yòu niàn guò qù yū wǔ bǎi shì zuò rěn rǔ xiān rén yū  
又念過去於五百世。作忍辱仙人。於

ěr suǒ shì wú wǒ xiāng wú rén xiāng wú zhòng shēng  
爾所世。無我相。無人相。無眾生

xiàng wú shòu zhě xiāng shì gù xū pú tí pú sà yìng  
相。無壽者相。是故須菩提。菩薩應

lí yí qiè xiāng fā ā nòu duō luó sān miǎo sān pú tí  
離一切相。發阿耨多羅三藐三菩提

xīn   bù yīng zhù sè shēng xīn   bù yīng zhù shēng xiāng wèi  
心。不 應 住 色 生 心。不 應 住 聲 香 味  
chù fǎ shēng xīn   yīng shēng wú suǒ zhù xīn   ruò xīn yǒu  
觸 法 生 心。應 生 無 所 住 心。若 心 有  
zhù   jí wéi fēi zhù   shì gù fó shuō pú sà xīn   bù  
住。即 為 非 住。是 故 佛 說 菩 薩 心。不  
yīng zhù sè bù shī   xū pú tí   pú sà wéi lì yì yí  
應 住 色 布 施。須 菩 提。菩 薩 為 利 益 一  
qiè zhòng shēng gù   yīng rú shì bù shī   rú lái shuō yí  
切 眾 生 故。應 如 是 布 施。如 來 說 一  
qiè zhū xiāng   jí shì fēi xiāng   yòu shuō yí qiè zhòng  
切 諸 相。即 是 非 相。又 說 一 切 眾  
shēng   jí fēi zhòng shēng   xū pú tí   rú lái shì zhēn  
生。即 非 眾 生。須 菩 提。如 來 是 真  
yǔ zhě   shí yǔ zhě   rú yǔ zhě   bù kuáng yǔ zhě   bú  
語 者。實 語 者。如 語 者。不 誑 語 者。不  
yì yǔ zhě   xū pú tí   rú lái suǒ dé fǎ   cǐ fǎ wú  
異 語 者。須 菩 提。如 來 所 得 法。此 法 無  
shí wú xū   xū pú tí   ruò pú sà xīn zhù yú fǎ ér  
實 無 虛。須 菩 提。若 菩 薩 心 住 於 法 而  
xíng bù shī   rú rén rù àn   jí wú suǒ jiàn   ruò pú  
行 布 施。如 人 入 暗。即 無 所 見。若 菩  
sà xīn bú zhù fǎ   ér xíng bù shī   rú rén yǒu mù   rì  
薩 心 不 住 法。而 行 布 施。如 人 有 目。日  
guāng míng zhào   jiàn zhǒng zhǒng sè   xū pú tí   dāng lái  
光 明 照。見 種 種 色。須 菩 提。當 來

zhī shì ruò yǒu shàn nán zǐ shàn nǚ rén néng yú cǐ jīng  
之世。若有善男子善女人。能於此經  
shòu chí dú sòng jí wéi rú lái yǐ fó zhì huì xī  
受持讀誦。即為如來。以佛智慧。悉  
zhī shì rén xī jiàn shì rén jiē dé chéng jiù wú liàng  
知是人。悉見是人。皆得成就。無量  
wú biān gōng dé  
無邊功德。

### chí jīng gōng dé fēn dì shí wǔ 持經功德分第十五

xū pú tí ruò yǒu shàn nán zǐ shàn nǚ rén chū rì  
須菩提。若有善男子善女人。初日  
fēn yǐ héng hé shā děng shēn bù shī zhōng rì fēn fù  
分。以恒河沙等身布施。中日分。復  
yǐ héng hé shā děng shēn bù shī hòu rì fēn yì yǐ héng  
以恒河沙等身布施。後日分。亦以恒  
hé shā děng shēn bù shī rú shì wú liàng bǎi qiān wàn yì  
河沙等身布施。如是無量百千萬億  
jié yǐ shēn bù shī ruò fù yǒu rén wén cǐ jīng  
劫。以身布施。若復有人。聞此經  
diǎn xìn xīn bù nì qí fú shèng bǐ hé kuàng shū  
典。信心不逆。其福勝彼。何況書  
xiě shòu chí dú sòng wéi rén jiě shuō xū pú tí yǐ  
寫。受持讀誦。為人解說。須菩提。以  
yào yán zhī shì jīng yǒu bù kě sī yì bù kě chēng  
要言之。是經有不可思議。不可稱

liáng wú biān gōng dé rú lái wèi fā dà chéng zhě  
量。無 邊 功 德。如 來 為 發 大 乘 者  
shuō wéi fā zuì shàng chéng zhě shuō ruò yǒu rén néng shòu  
說。為 發 最 上 乘 者 說。若 有 人 能 受  
chí dú sòng guǎng wéi rén shuō rú lái xī zhī shì rén  
持 讀 誦。廣 為 人 說。如 來 悉 知 是 人。  
xī jiàn shì rén jiē dé chéng jiù bù kě liàng bù kě  
悉 見 是 人。皆 得 成 就 不 可 量。不 可  
chēng wú yǒu biān bù kě sī yì gōng dé rú shì rén  
稱。無 有 邊。不 可 思 議 功 德。如 是 人  
děng jí wéi hé dān rú lái ā nù duō luó sān miǎo sān  
等。即 為 荷 擔 如 來。阿 耨 多 羅 三 藐 三  
pú tí hé yǐ gù xū pú tí ruò yào xiǎo fǎ zhě  
菩 提。何 以 故。須 菩 提。若 樂 小 法 者。  
zhè wǒ jiàn rén jiàn zhòng shēng jiàn shòu zhě jiàn  
著 我 見。人 見。眾 生 見。壽 者 見。  
jí yú cǐ jīng bù néng tīng shòu dú sòng wéi rén jiě  
即 於 此 經。不 能 聽 受 讀 誦。為 人 解  
shuō xū pú tí zài zài chù chù ruò yǒu cǐ jīng yí  
說。須 菩 提。在 在 處 處。若 有 此 經。一  
qiè shì jiān tiān rén ā xiū luó suǒ yīng gòng yǎng dāng  
切 世 間。天 人 阿 修 羅。所 應 供 養。當  
zhī cǐ chù jí wéi shì tǎ jiē yīng gòng jìng zuò lǐ wéi  
知 此 處。即 為 是 塔。皆 應 恭 敬 作 禮 圍  
rào yǐ zhū huá xiāng ér sǎn qí chǔ  
遶。以 諸 華 香。而 散 其 處。

néng jìng yè zhàng fēn dì shí liù  
能 淨 業 障 分 第 十 六

fù cì xū pú tí ruò shàn nán zǐ shàn nǚ rén shòu chí  
復 次 須 菩 提。若 善 男 子 善 女 人 受 持  
dú sòng cǐ jīng ruò wéi rén qīng jiàn shì rén xiān shì zuì  
讀 誦 此 經。若 為 人 輕 賤。是 人 先 世 罪  
yè yìng duò è dào yǐ jīn shì rén qīng jiàn gù xiān  
業。應 墮 惡 道。以 今 世 人 輕 賤 故。先  
shì zuì yè jí wéi xiāo miè dāng dé ā nòu duō luó sān  
世 罪 業。即 為 消 滅。當 得 阿 耨 多 羅 三  
miǎo sān pú tí xū pú tí wǒ niàn guò qù wú liàng ā  
藐 三 菩 提。須 菩 提。我 念 過 去 無 量 阿  
sēng zhī jié yū rán dēng fó qián dé zhí bā bǎi sì qiān  
僧 祇 劫。於 然 燈 佛 前。得 值 八 百 四 千  
wàn yì nà yóu tā zhū fó xī jiē gòng yǎng chéng shì wú  
萬 億 那 由 他 諸 佛。悉 皆 供 養 承 事。無  
kōng guò zhě ruò fù yǒu rén yú hòu mò shì néng shòu  
空 過 者。若 復 有 人。於 後 末 世。能 受  
chí dú sòng cǐ jīng suǒ dé gōng dé yú wǒ suǒ gòng  
持 讀 誦 此 經。所 得 功 德。於 我 所 供  
yǎng zhū fó gōng dé bǎi fēn bù jí yī bǎi qiān wàn yì  
養 諸 佛 功 德。百 分 不 及 一。百 千 萬 億  
fēn nǎi zhì suàn shù pì yù suǒ bù néng jí xū pú  
分。乃 至 算 數 譬 喻。所 不 能 及。須 菩  
tí ruò shàn nán zǐ shàn nǚ rén yú hòu mò shì yǒu  
提。若 善 男 子 善 女 人。於 後 末 世。有

shòu chí dú sòng cǐ jīng suǒ dé gōng dé wǒ ruò jù  
受持讀誦此經。所得功德。我若具  
shuō zhě huò yǒu rén wén xīn jí kuáng luàn hú yí bú  
說者。或有人聞。心即狂亂。狐疑不  
xìn xū pú tí dāng zhī shì jīng yì bù kě sī yì  
信。須菩提。當知是經義不可思議。  
guǒ bào yì bù kě sī yì  
果報亦不可思議。

jiū jìng wú wǒ fēn dì shí qī  
究竟無我分第十七

ěr shí xū pú tí bái fó yán shì zūn shàn nán zǐ  
爾時須菩提。白佛言。世尊。善男子  
shàn nǚ rén fā ā nòu duō luō sān miǎo sān pú tí xīn  
善女人。發阿耨多羅三藐三菩提心。  
yún hé yìng zhù yún hé xiáng fú qí xīn fó gào xū pú  
云何應住。云何降伏其心。佛告須菩  
tí shàn nán zǐ shàn nǚ rén fā ā nòu duō luō sān  
提。善男子。善女人。發阿耨多羅三  
miǎo sān pú tí xīn zhě dāng shēng rú shì xīn wǒ yìng  
藐三菩提心者。當生如是心。我應  
miè dù yí qiè zhòng shēng miè dù yí qiè zhòng shēng  
滅度一切眾生。滅度一切眾生  
yǐ ér wú yǒu yí zhòng shēng shí miè dù zhě hé yǐ  
已。而無有一眾生。實滅度者。何以  
gù xū pú tí ruò pú sà yǒu wǒ xiāng rén xiàng  
故。須菩提。若菩薩有我相。人相。

zhòng shēng xiàng shòu zhě xiāng jí fēi pú sà suǒ yǐ  
眾 生 相 。 壽 者 相 。 即 非 菩 薩 。 所 以  
zhě hé xū pú tí shí wú yǒu fǎ fā ā nòu duō luó  
者 何 。 須 菩 提 。 實 無 有 法 。 發 阿 耨 多 羅  
sān miǎo sān pú tí xīn zhě xū pú tí yū yì yún  
三 藐 三 菩 提 心 者 。 須 菩 提 。 於 意 云  
hé rú lái yú rán dēng fó suǒ yǒu fǎ dé ā nòu duō  
何 。 如 來 於 然 燈 佛 所 。 有 法 得 阿 耨 多  
luó sān miǎo sān pú tí fōu fōu yě shì zūn rú wǒ jiě  
羅 三 藐 三 菩 提 不 。 不 也 世 尊 。 如 我 解  
fó suǒ shuō yì fó yú rán dēng fó suǒ wú yǒu fǎ dé  
佛 所 說 義 。 佛 於 然 燈 佛 所 。 無 有 法 得  
ā nòu duō luó sān miǎo sān pú tí fó yán rú shì rú shì  
阿 耨 多 羅 三 藐 三 菩 提 。 佛 言 如 是 如 是  
xū pú tí shí wú yǒu fǎ rú lái de ā nòu duō luó  
須 菩 提 。 實 無 有 法 。 如 來 得 阿 耨 多 羅  
sān miǎo sān pú tí xū pú tí ruò yǒu fǎ rú lái de  
三 藐 三 菩 提 。 須 菩 提 。 若 有 法 。 如 來 得  
ā nòu duō luó sān miǎo sān pú tí zhě rán dēng fó jí  
阿 耨 多 羅 三 藐 三 菩 提 者 。 然 燈 佛 。 即  
bù yǔ wǒ shòu jì rǔ yú lái shì dāng dé zuò fó  
不 與 我 授 記 。 汝 於 來 世 。 當 得 作 佛 。  
hào shì jiā móu ní yǐ shí wú yǒu fǎ dé ā nòu duō luó  
號 釋 迦 牟 尼 。 以 實 無 有 法 得 阿 耨 多 羅  
sān miǎo sān pú tí shì gù rán dēng fó yǔ wǒ shòu jì  
三 藐 三 菩 提 。 是 故 然 燈 佛 與 我 授 記 。

zuò shì yán rǔ yú lái shì dāng dé zuò fó hào shì jiā  
作是言。汝於來世當得作佛。號釋迦  
móu ní hé yǐ gù rú lái zhě jí zhū fǎ rú yì ruò  
牟尼。何以故。如來者即諸法如義。若  
yǒu rén yán rú lái de ā nòu duō luo sān miǎo sān pú  
有人言。如來得阿耨多羅三藐三菩  
tí xū pú tí shí wú yǒu fǎ fó dé ā nòu duō luo  
提。須菩提。實無有法。佛得阿耨多羅  
sān miǎo sān pú tí xū pú tí rú lái suǒ dé ā nòu  
三藐三菩提。須菩提。如來所得阿耨  
duō luo sān miǎo sān pú tí yú shì zhōng wú shí wú xū  
多羅三藐三菩提。於是中無實無虛。  
shì gù rú lái shuō yí qiè fǎ jiē shì fó fǎ xū pú  
是故如來說一切法。皆是佛法。須菩  
tí suǒ yán yí qiè fǎ zhě jí fēi yí qiè fǎ shì gù  
提。所言一切法者。即非一切法。是故  
míng yí qiè fǎ xū pú tí pì rú rén shēn zhǎng dà  
名一切法。須菩提。譬如人身長大。  
xū pú tí yán shì zūn rú lái shuō rén shēn zhǎng dà jí  
須菩提言世尊。如來說人身長大。即  
wéi fēi dà shēn shì míng dà shēn xū pú tí pú sà  
為非大身。是名大身。須菩提。菩薩  
yì rú shì ruò zuò shì yán wǒ dāng miè dù wú liàng  
亦如是。若作是言。我當滅度無量  
zhòng shēng jí bù míng pú sà hé yǐ gù xū pú  
眾生。即不名菩薩。何以故。須菩

tí shí wú yǒu fǎ míng wéi pú sà shì gù fó shuō yī  
提。實無有法名為菩薩。是故佛說一  
qiè fǎ wú wǒ wú rén wú zhòng shēng wú shòu zhě xū  
切法。無我無人無眾生無壽者。須  
pú tí ruò pú sà zuò shì yán wǒ dāng zhuāng yán fó  
菩提。若菩薩作是言。我當莊嚴佛  
tǔ shì bù míng pú sà hé yǐ gù rú lái shuō zhuāng  
土。是不名菩薩。何以故。如來說莊  
yán fó tǔ zhě jí fēi zhuāng yán shì míng zhuāng yán  
嚴佛土者。即非莊嚴。是名莊嚴。  
xū pú tí ruò pú sà tōng dá wú wǒ fǎ zhě rú lái  
須菩提。若菩薩通達無我法者。如來  
shuō míng zhēn shì pú sà  
說名真是菩薩。

yì tǐ tóng guān fēn dì shí bā  
一體同觀分第十八

xū pú tí yū yì yún hé rú lái yǒu ròu yǎn fǒu rú  
須菩提。於意云何。如來有肉眼不。如  
shì shì zūn rú lái yǒu ròu yǎn xū pú tí yū yì yún  
是世尊。如來有肉眼。須菩提。於意云  
hé rú lái yǒu tiān yǎn fǒu rú shì shì zūn rú lái yǒu  
何。如來有天眼不。如是世尊。如來有  
tiān yǎn xū pú tí yū yì yún hé rú lái yǒu huì yǎn  
天眼。須菩提。於意云何。如來有慧眼  
fǒu rú shì shì zūn rú lái yǒu huì yǎn xū pú tí  
不。如是世尊。如來有慧眼。須菩提。

yū yì yún hé      rú lái yǒu fǎ yǎn fou      rú shì shì zūn  
於 意 云 何。如 來 有 法 眼 不。如 是 世 尊。  
rú lái yǒu fǎ yǎn      xū pú tí      yū yì yún hé      rú lái  
如 來 有 法 眼。須 菩 提。於 意 云 何。如 來  
yǒu fó yǎn fou      rú shì shì zūn      rú lái yǒu fó yǎn      xū  
有 佛 眼 不。如 是 世 尊。如 來 有 佛 眼。須  
pú tí      yū yì yún hé      rú héng hé zhōng suǒ yǒu shā  
菩 提。於 意 云 何。如 恒 河 中 所 有 沙。  
fó shuō shì shā fou      rú shì shì zūn      rú lái shuō shì  
佛 說 是 沙 不。如 是 世 尊。如 來 說 是  
shā      xū pú tí      yū yì yún hé      rú yī héng hé zhōng  
沙。須 菩 提。於 意 云 何。如 一 恒 河 中  
suǒ yǒu shā      yǒu rú shì shā děng héng hé      shì zhū héng  
所 有 沙。有 如 是 沙 等 恒 河。是 諸 恒  
hé      suǒ yǒu shā shù fó shì jiè      rú shì níng wéi duō  
河。所 有 沙 數 佛 世 界。如 是 寧 為 多  
fou      shèn duō      shì zūn      fó gào xū pú tí      ěr suǒ guó  
不。甚 多。世 尊。佛 告 須 菩 提。爾 所 國  
tǔ zhōng      suǒ yǒu zhòng shēng      ruò gān zhòng xīn      rú lái  
土 中。所 有 眾 生。若 干 種 心。如 來  
xī zhī      hé yǐ gù      rú lái shuō zhū xīn      jiē wéi fēi  
悉 知。何 以 故。如 來 說 諸 心。皆 為 非  
xīn      shì míng wéi xīn      suǒ yǐ zhě hé      xū pú tí      guò  
心。是 名 為 心。所 以 者 何。須 菩 提。過

qù xīn bù kě dé xiàn zài xīn bù kě dé wèi lái xīn  
去 心 不 可 得。現 在 心 不 可 得。未 來 心  
bù kě dé  
不 可 得。

fǎ jiè tōng huà fēn dì shí jiǔ  
法 界 通 化 分 第 十 九

xū pú tí yū yì yún hé ruò yǒu rén mǎn sān qiān dà  
須 菩 提。於 意 云 何。若 有 人 滿 三 千 大  
qiān shì jiè qī bǎo yǐ yòng bù shī shì rén yǐ shì yīn  
千 世 界 七 寶。以 用 布 施。是 人 以 是 因  
yuán dé fú duō fōu rú shì shì zūn cǐ rén yǐ shì yīn  
緣。得 福 多 不。如 是 世 尊。此 人 以 是 因  
yuán dé fú shèn duō xū pú tí ruò fú dé yǒu shí  
緣。得 福 甚 多。須 菩 提。若 福 德 有 實。  
rú lái bù shuō dé fú dé duō yǐ fú dé wú gù rú  
如 來 不 說 得 福 德 多。以 福 德 無 故。如  
lái shuō dé fú dé duō  
來 說 得 福 德 多。

lí sè lí xiāng fēn dì èr shí  
離 色 離 相 分 第 二 十

xū pú tí yū yì yún hé fó kě yǐ jù zú sè shēn  
須 菩 提。於 意 云 何。佛 可 以 具 足 色 身  
jiàn fōu fōu yě shì zūn rú lái bù yīng yǐ jù zú  
見 不。不 也。世 尊。如 來 不 應 以 具 足

sè shēn jiàn hé yǐ gù rú lái shuō jù zú sè shēn  
色身見。何以故。如來說具足色身。

jí fēi jù zú sè shēn shì míng jù zú sè shēn xū pú  
即非具足色身。是名具足色身。須菩

tí yū yì yún hé rú lái kě yǐ jù zú zhū xiāng jiàn  
提。於意云何。如來可以具足諸相見

fou fou yě shì zūn rú lái bù yīng yǐ jù zú zhū  
不。不也。世尊。如來不應以具足諸

xiāng jiàn hé yǐ gù rú lái shuō zhū xiāng jù zú jí  
相見。何以故。如來說諸相具足。即

fēi jù zú shì míng zhū xiāng jù zú  
非具足。是名諸相具足。

fēi shuō suǒ shuō fēn dì èr shí yī  
非說所說分第二十一

xū pú tí rǔ wù wèi rú lái zuò shì niàn wǒ dang yǒu  
須菩提。汝勿謂如來作是念。我當有

suǒ shuō fǎ mò zuò shì niàn hé yǐ gù ruò rén yán  
所說法。莫作是念。何以故。若人言。

rú lái yǒu suǒ shuō fǎ jí wéi bàng fó bù néng jiě wǒ  
如來有所說法即為謗佛。不能解我

suǒ shuō gù xū pú tí shuō fǎ zhě wú fǎ kě  
所說故。須菩提。說法者。無法可

shuō shì míng shuō fǎ ěr shí huì mìng xū pú tí bái  
說。是名說法。爾時慧命須菩提。白

fó yán shì zūn pō yǒu zhòng shēng yū wèi lái shì  
佛言。世尊。頗有眾生。於未來世。

wén shuō shì fǎ   shēng xìn xīn fǒu   fó yán xū pú tí  
聞 說 是 法 。 生 信 心 不 。 佛 言 須 菩 提 。  
bǐ fēi zhòng shēng   fēi bù zhòng shēng   hé yǐ gù xū  
彼 非 眾 生 。 非 不 眾 生 。 何 以 故 。 須  
pú tí   zhòng shēng zhòng shēng zhě   rú lái shuō fēi zhòng  
菩 提 。 眾 生 眾 生 者 。 如 來 說 非 眾  
shēng   shì míng zhòng shēng  
生 。 是 名 眾 生 。

wú fǎ kě dé fēn dì èr shí èr  
無 法 可 得 分 第 二 十 二

xū pú tí   bái fó yán   shì zūn   fó dé ā nòu duō luo  
須 菩 提 。 白 佛 言 。 世 尊 。 佛 得 阿 耨 多 羅  
sān miǎo sān pú tí   wéi wú suǒ dé yē   fó yán   rú shì  
三 藐 三 菩 提 。 為 無 所 得 耶 。 佛 言 。 如 是  
rú shì   xū pú tí   wǒ yú ā nòu duō luo sān miǎo sān  
如 是 。 須 菩 提 。 我 於 阿 耨 多 羅 三 藐 三  
pú tí   nǎi zhì wú yǒu shǎo fǎ kě dé   shì míng ā nòu  
菩 提 。 乃 至 無 有 少 法 可 得 。 是 名 阿 耨  
duō luo sān miǎo sān pú tí  
多 羅 三 藐 三 菩 提 。

jìng xīn xíng shàn fēn dì èr shí sān  
淨 心 行 善 分 第 二 十 三

fù cì xū pú tí   shì fǎ píng děng   wú yǒu gāo xià shì  
復 次 須 菩 提 。 是 法 平 等 。 無 有 高 下 是

míng ā nòu duō luó sān miǎo sān pú tí yǐ wú wǒ wú rén  
名阿耨多羅三藐三菩提。以無我無人  
wú zhòng shēng wú shòu zhě xiū yí qiè shàn fǎ jí dé  
無衆生無壽者。修一切善法。即得  
ā nòu duō luó sān miǎo sān pú tí xū pú tí suǒ yán  
阿耨多羅三藐三菩提。須菩提。所言  
shàn fǎ zhě rú lái shuō jí fēi shàn fǎ shì míng shàn  
善法者。如來說即非善法。是名善  
fǎ  
法。

fú zhì wú bǐ fēn dì èr shí sì  
福智無比分第二十四  
xū pú tí ruò sān qiān dà qiān shì jiè zhōng suǒ yǒu zhū  
須菩提。若三千大千世界中。所有諸  
xū mí shān wáng rú shì děng qī bǎo jù yǒu rén chí yòng  
須彌山王。如是等七寶聚。有人持用  
bù shī ruò rén yǐ cǐ bo ruò bō luó mì jīng nǎi zhì  
布施。若人以此般若波羅蜜經。乃至  
sì jù jì děng shòu chí dú sòng wéi tā rén shuō yū  
四句偈等。受持讀誦。為他人說。於  
qián fú dé bǎi fēn bù jí yī bǎi qiān wàn yì fēn  
前福德。百分不及一。百千萬億分。  
nǎi zhì suàn shù pì yù suǒ bù néng jí  
乃至算數譬喻所不能及。

huà wú suǒ huà fēn dì èr shí wǔ  
化無所化分第二十五

xū pú tí yú yì yún hé rǔ děng wù wèi rú lái zuò  
須菩提。於意云何。汝等勿謂如來作  
shì niàn wǒ dāng dù zhòng shēng xū pú tí mò zuò shì  
是念。我當度眾生。須菩提。莫作是  
niàn hé yǐ gù shí wú yǒu zhòng shēng rú lái dù  
念。何以故。實無有眾生。如來度  
zhě ruò yǒu zhòng shēng rú lái dù zhě rú lái jí yǒu wǒ  
者。若有眾生如來度者。如來即有我  
rén zhòng shēng shòu zhě xū pú tí rú lái shuō yǒu wǒ  
人眾生壽者。須菩提。如來說有我  
zhě jí fēi yǒu wǒ ér fán fū zhī rén yǐ wèi yǒu wǒ  
者。即非有我。而凡夫之人以為有我。  
xū pú tí fán fū zhě rú lái shuō jí fēi fán fū shì  
須菩提。凡夫者。如來說即非凡夫。是  
míng fán fū  
名凡夫。

fǎ shēn fēi xiāng fēn dì èr shí liù  
法身非相分第二十六

xū pú tí yú yì yún hé kě yǐ sān shí èr xiāng  
須菩提。於意云何。可以三十二相。  
guān rú lái fōu xū pú tí yán rú shì rú shì yǐ sān  
觀如來不。須菩提言。如是如是。以三  
shí èr xiāng guān rú lái fó yán xū pú tí ruò yǐ  
十二相。觀如來。佛言須菩提。若以

sān shí èr xiāng guān rú lái zhě zhuàn lún shèng wáng jí  
三十二相觀如來者。轉輪聖王。即  
shì rú lái xū pú tí bái fó yán shì zūn rú wǒ jiě  
是如來。須菩提白佛言。世尊。如我解  
fó suǒ shuō yì bù yīng yǐ sān shí èr xiāng guān rú  
佛所說義。不應以三十二相觀如  
lá ěr shí shì zūn ér shuō jì yán  
來。爾時世尊。而說偈言。

ruò yǐ sè jiàn wǒ yǐ yīn shēng qiú wǒ  
若以色見我 以音聲求我  
shì rén xíng xié dào bù néng jiàn rú lái  
是人行邪道 不能見如來

wú duàn wú miè fēn dì èr shí qī  
無斷無滅分第二十七

xū pú tí rǔ ruò zuò shì niàn rú lái bù yǐ jù zú  
須菩提。汝若作是念。如來不以具足  
xiāng gù dé ā nòu duō luó sān miǎo sān pú tí xū pú  
相故。得阿耨多羅三藐三菩提。須菩  
tí mò zuò shì niàn rú lái bù yǐ jù zú xiāng gù  
提。莫作是念。如來不以具足相故。  
dé ā nòu duō luó sān miǎo sān pú tí xū pú tí rǔ  
得阿耨多羅三藐三菩提。須菩提。汝  
ruò zuò shì niàn fā ā nòu duō luó sān miǎo sān pú tí xīn  
若作是念。發阿耨多羅三藐三菩提心  
zhě shuō zhū fǎ duàn miè mò zuò shì niàn hé yǐ  
者。說諸法斷滅。莫作是念。何以

gù fā ā nòu duō luó sān miǎo sān pú tí xīn zhě yū  
故。發阿耨多羅三藐三菩提心者。於  
fǎ bù shuō duàn miè xiāng  
法不說斷滅相。

bù shòu bù tān fēn dì èr shí bā  
不受不貪分第二十八

xū pú tí ruò pú sà yǐ mǎn héng hé shā děng shì jiè qī  
須菩提。若菩薩以滿恒河沙等世界七  
bǎo chí yòng bù shī ruò fù yǒu rén zhī yī qiè fǎ wú  
寶。持用布施。若復有人。知一切法無  
wǒ dé chéng yū rěn cǐ pú sà shèng qián pú sà suǒ dé  
我得成於忍。此菩薩勝前菩薩所得  
gōng dé hé yǐ gù xū pú tí yǐ zhū pú sà bù shòu  
功德。何以故。須菩提以諸菩薩不受  
fú dé gù xū pú tí bái fó yán shì zūn yún hé  
福德故。須菩提。白佛言。世尊。云何  
pú sà bù shòu fú dé xū pú tí pú sà suǒ zuò fú  
菩薩。不受福德。須菩提。菩薩所作福  
dé bù yīng tān zhe shì gù shuō bù shòu fú dé  
德。不應貪著是故說不受福德。

wēi yí jì jìng fēn dì èr shí jiǔ  
威儀寂靜分第二十九

xū pú tí ruò yǒu rén yán rú lái ruò lái ruò qù ruò  
須菩提。若有人言。如來若來若去若

zuò ruò wò shì rén bù jiě wǒ suǒ shuō yì hé yǐ  
坐若臥。是人不能解我所說義。何以  
gù rú lái zhě wú suǒ cóng lái yì wú suǒ qù gù  
故。如來者。無所從來。亦無所去。故  
míng rú lái  
名如來。

yī hé lǐ xiāng fēn dì sān shí  
一合理相分第三十

xū pú tí ruò shàn nán zǐ shàn nǚ rén yǐ sān qiān  
須菩提。若善男子。善女人。以三千  
dà qiān shì jiè suì wéi wēi chén yú yì yún hé shì  
大千世界。碎為微塵。於意云何。是  
wēi chén zhòng níng wéi duō fǒu xū pú tí yán shèn duō  
微塵眾。寧為多不。須菩提言。甚多  
shì zūn hé yǐ gù ruò shì wēi chén zhòng shí yǒu  
世尊。何以故。若是微塵眾。實有  
zhě fó jí bù shuō shì wēi chén zhòng suǒ yǐ zhě hé  
者。佛即不說是微塵眾。所以者何。  
fó shuō wēi chén zhòng jí fēi wēi chén zhòng shì míng wēi  
佛說微塵眾。即非微塵眾。是名微  
chén zhòng shì zūn rú lái suǒ shuō sān qiān dà qiān shì  
塵眾。世尊。如來所說。三千大千世  
jiè jí fēi shì jiè shì míng shì jiè hé yǐ gù ruò  
界。即非世界。是名世界。何以故。若  
shì jiè shí yǒu zhě jí shì yì hé xiāng rú lái shuō yì  
世界實有者。即是一合相。如來說一

hé xiāng jí fēi yì hé xiāng shì míng yì hé xiāng  
合 相。即 非 一 合 相。是 名 一 合 相。

xū pú tí yì hé xiāng zhě jí shì bù kě shuō dàn  
須 菩 提。一 合 相 者。即 是 不 可 說。但

fán fū zhī rén tān zhe qí shì  
凡 夫 之 人。貪 著 其 事。

zhī jiàn bù shēng fēn dì sān shí yī  
知 見 不 生 分 第 三 十 一

xū pú tí ruò rén yán fó shuō wǒ jiàn rén jiàn  
須 菩 提。若 人 言。佛 說 我 見。人 見。

zhòng shēng jiàn shòu zhě jiàn xū pú tí yū yì yún  
眾 生 見。壽 者 見。須 菩 提。於 意 云

hé shì rén jiě wǒ suǒ shuō yì fōu fōu yě shì zūn shì  
何。是 人 解 我 所 說 義 不。不 也 世 尊。是

rén bù jiě rú lái suǒ shuō yì hé yǐ gù shì zūn shuō  
人 不 解 如 來 所 說 義。何 以 故。世 尊 說

wǒ jiàn rén jiàn zhòng shēng jiàn shòu zhě jiàn jí  
我 見。人 見。眾 生 見。壽 者 見。即

fēi wǒ jiàn rén jiàn zhòng shēng jiàn shòu zhě jiàn  
非 我 見。人 見。眾 生 見。壽 者 見。

shì míng wǒ jiàn rén jiàn zhòng shēng jiàn shòu zhě  
是 名 我 見。人 見。眾 生 見。壽 者

jiàn xū pú tí fā ā nù duō luó sān miǎo sān pú tí  
見。須 菩 提。發 阿 耨 多 羅 三 藐 三 菩 提

xīn zhě yū yí qiè fǎ yīng rú shì zhī rú shì jiàn  
心 者。於 一 切 法。應 如 是 知。如 是 見。

rú shì xìn jiě   bù shēng fǎ xiāng   xū pú tí   suǒ yán  
如是信解。不生法相。須菩提。所言  
fǎ xiāng zhě   rú lái shuō jí fēi fǎ xiāng   shì míng fǎ  
法相者。如來說即非法相。是名法  
xiāng  
相。

yīng huà fēi zhēn fēn dì sān shí èr  
應化非真分第三十二

xū pú tí   ruò yǒu rén yǐ mǎn wú liàng ā sēng zhī shì  
須菩提。若有人以滿無量阿僧祇世  
jiè qī bǎo   chí yòng bù shī   ruò yǒu shàn nán zǐ shàn nǚ  
界七寶。持用布施。若有善男子善女  
rén   fā pú tí xīn zhě   chí yú cǐ jīng   nǎi zhì sì jù  
人。發菩提心者。持於此經。乃至四句  
jì děng   shòu chí dú sòng   wéi rén yǎn shuō   qí fú shèng  
偈等。受持讀誦。為人演說。其福勝  
bǐ   yún hé wéi rén yǎn shuō   bù qǔ yú xiāng   rú rú  
彼。云何為人演說。不取於相。如如  
bú dòng   hé yǐ gù  
不動。何以故。

yí qiè yǒu wéi fǎ  
一切有為法

rú mèng huàn pào yǐng  
如夢幻泡影

rú lù yì rú diàn  
如露亦如電

yīng zuò rú shì guān  
應作如是觀

fó shuō shì jīng yǐ   zhāng lǎo xū pú tí   jí zhū bǐ qiū  
佛說是經已。長老須菩提。及諸比丘

bǐ qiū ní yōu pó sāi yōu pó yí yí qiè shì jiān tiān rén  
比 丘 尼 優 婆 塞 優 婆 夷。一 切 世 間 天 人  
ā xiū luó děng wén fó suǒ shuō jiē dà huān xǐ xìn shòu  
阿 修 羅 等。聞 佛 所 說 皆 大 歡 喜 信 受  
fèng xíng  
奉 行。

jīn gāng bō ruò bō luó mì jīng  
金 剛 般 若 波 羅 蜜 經。